



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-592-5/22**
Datum: **10.11.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „XYLON CORPORATION“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda iz pogona za primarnu i finalnu obradu drveta izgrađenog u ulici Podlugovi bb, općina Ilijaš, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „XYLON CORPORATION“ d.o.o. Sarajevo, daje se vodna dozvola za ispuštanje tehnoloških otpadnih voda iz pogona za primarnu i finalnu obradu drveta izgrađenog u ulici Podlugovi bb, općina Ilijaš, na zemljištu označenom kao k.č. 2459 i 2461 K.O. Podgora I (novi premjer) što odgovara 919/4 i 918/3 K.O. Podgora (stari premjer).
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „XYLON CORPORATION“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine F BiH», broj: 26/20 i 96/20).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda-tehnoloških otpadnih voda i oborinskih onečišćenih voda, uzimanjem uzorka efluenta na svim ispuštima iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se kod pranja koriste sredstva koja su prikladna okolinskim zahtjevima.
 - 3.7. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog kompleksa obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „XYLON CORPORATION“ d.o.o. Sarajevo, zahtjevom broj: 199/22 od 26.10.2022. godine, zaprimljenim dana 27.10.2022 godine, se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za primarnu i finalnu obradu drveta sa pratećim sadržajima, izgrađenog u ulici Podlugovi bb, općina Ilijaš, na zemljištu označenom kao k.č. 2459 i 2461 K.O. Podgora I (novi premjer) što odgovara 919/4 i 918/3 K.O. Podgora (stari premjer).

U provedenom postupku dostavljena je i pregledana sljedeća dokumentacija:

- Opšta dokumentacija
- Kopija Rješenja o upisu u sudski registar broj: 065-0-Reg-19-006159 od 03.02.2020 godine, izdato od strane Općinskog suda u Sarajevu,
- Ovjerena kopija Uvjerjenja o poreskoj registraciji izdatoj 29.08.2006.godine, od strane Porezne uprave – Kantonalni ured Sarajevo-kopija,
- Ovjerena kopija uvjerenja o poreskoj registraciji, broj: 04/1-UPP/1-6309/07 od 01.08.2007. godine, izdato od strane Uprave za indirektno- oporezivanje Banja Luka,

- Uplatnica za upravnu taksu u iznosu od 70,00 KM,
- Rješenje o vodnoj dozvoli br. UP-I/25-3-40-598-4/17 od 14.10.2017. godine, izdato od «Agencije za vodno područje rijeke Save» Sarajevo,
- Zbirni izvještaj o tehničkom pregledu proizvodno-skladišnog objekta i sušare rezane građe investitora „XYLON CORPORATION“ d.o.o. Sarajevo od strane komisije formirane rješenjem Službe za prostorno uređenje i stambeno-komunalne poslove, Općine Ilijaš broj: 05/1-23-1976/16 od 26.07.2016. godine
- Transportna dokumentacija o odvozu opasnog otpada od 14.02.2022 i 09.06.2022. godine sa predmetne lokacije od strane „AIDA-COMERCE“ d.o.o. Sarajevo,
- Ugovor o zbrinjavanju opasnog otpada i čišćenju separatora od 17.01.2022 godine sklopljen sa ovlaštenom firmom „AIDA-COMERCE“ d.o.o. Sarajevo,
- Rješenje o vodnoj dozvoli broj: 07-05-21-387/20 od 29.07.2020 godine izdato od strane Ministarstva privrede Kantona Sarajevo,
- Izvještaj o monitoringu kvaliteta otpadnih voda iz pogona za primarnu i finalnu obradu drveta broj: broj: 984/22 juni 2022. godine, urađen od strane „Inspekt-RGH“ d.o.o. Sarajevo,

B: Tehnička dokumentacija

- Glavni projekat-izvedbeno stanje vanjskih hidroinstalacija za poslovni kompleks „XYLON CORPORATION“ d.o.o. Ilijaš sa dopunom iz predhodne vodne saglasnosti, urađen od strane „IBIS“ d.o.o. Zavidovići, april 2011. Godine-uvod prilikom uviđaja

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 01.11.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-592-4/22 od 09.11.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetni pogoni za primarnu i finalnu obradu drveta, izgrađene u ulici Podlugovi bb, općina Ilijaš, na zemljištu označenom kao k.č. broj: 2459 i 2461 K.O. Podgora I (novi premjer) što odgovara 919/4 i 918/3 K.O. Podgora (stari premjer). Kapacitet prerade drveta je 60 m³/dan.

U krugu predmetnog kompleksa nalaze se sljedeći sadržaji: upravna zgrada, proizvodne hale, silos, plato za trupce, parionica koja trenutno nije u funkciji obzirom da se kao sirovina isključivo koristi hrast, sušare, lakirnica, magacini sirovina i gotovih proizvoda, trafostanica, kotlovnica, alatnica i kompresorska stanica, taložnik za predtretman tehnoloških otpadnih voda-taložnik, separatori masti i ulja, manipulativni površine i dr.

U proizvodnji odvijaju se sljedeći procesi: priprema trupaca (čišćenje od blata, kamena, metala i pranje), prerezivanje trupaca, krojenje daske, sušenje, mašinska obrada drveta do elemenata za podne obloge, kao i površinska obrada elemenata (premazivanje).

Piljevina se skladišti u silos, koristi se za vlastite potrebe u kotlovnici a dio se prodaje za proizvodnju briketa i peleta.

U proizvodnom pogonu gdje se vrši površinska obrada (nanošenje ulja na elemente za podove), podne površine su vodonepropusne bez ispusta. U istom u proizvodnji se ne koristi voda te ne nastaju tehnološke otpadne vode.

Tehnološke otpadne vode koje nastaju u postupku pranja trupaca i sa manipulativnih površina se sistemom slivnika i rešetki prikupljaju i odvođe na predtretman u taložni bazen i dalje u separator ulja i masti. Prečišćena voda iz separatora se odvođe do revizionog okna u koje dolaze preko separatora masti

i ulja i prečišćene oborinske vode sa manipulativnih površina na kojima se odvija transport i druge aktivnosti od kojih se mogu javiti veće količine suspendovanih materija te masti i ulja. Prečišćena voda se ispušta u lokalni kolektor oborinskih voda sa ispuštom u rijeku Stavnju.

Objekat parionice nije u funkciju i koristi se za skladištenje gotovog proizvoda.

Na predmetnoj lokaciji se nalazi cisterna za skladištenje nafte zapremine 2000 l a koja se koristi za vlastite potrebe kao gorivo za vozila (viljuškare i dr.)

Izveštaji o ispitivanju kvaliteta otpadnih voda sa lokacije pogona za preradu drveta broj: 984/22 juni 2022. godine urađeni od strane „Inspekt -RGH“ d.o.o. Sarajevo, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u kompleksu za primarnu i finalnu obradu drveta sa pratećim sadržajima, izgrađene u ulici Podlugovi bb, općina Ilijaš, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „XYLON CORPORATION“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „XYLON CORPORATION“ d.o.o. Sarajevo, Podlugovi bb, Ilijaš (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- 📁 Org.jed. 40-arhiva
- Oglasna tabla AVP Sava Sarajevo